



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De pupillis, & pauperibus, ac viduis. cap. vii.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

D. IOANN. DAMASCENI

cipes Iuda occidit in Reblatha. Et oculos Sedeciae eruit, & vinxit eum compedibus, & adduxit eum in Babylonem: & posuit eum in domo carceris usque ad diem mortis eius.

De peregrinitate: & quod fiducia careat peregrinus.

CAP. V.

Gen. 19. **D**I X E R V N T viri Sodomae ad Loth: Ingressus es ut advena: nunquid ut iudices?

Pro. 27. Sicut avis transmigrans de nido suo: sic homo seruitute premitur, cum a loco suo peregrinatur.

Ecli. 34. Vir, qui peregrinatus est, & oberravit, cognouit multa. Et rursus: Qui oberravit, multiplicat fraudem. Multa vidi in oberratione mea: & maior est sermonibus meis intelligentia mea.

De iuramento: & quod perniciofa & praepostera iuramenta praestanda non sint.

CAP. VI.

1. Reg. 14. **D**I X I T Saul ad Ionatham, Indica mihi quid feceris. Et indicavit ei Ionathas, & ait, Gustans gustavi in summitate virgae, quae H erat in manu mea, paululum mellis, & ecce ego morior! Et ait Saul: Haec faciat mihi Deus, & haec addat, quia morte morieris Ionatha. Dixitque populus ad Saul, Ergone Ionathas morietur, qui fecit salutem hanc magnam in Israel? Hoc nefas est. Liberavit ergo populus Ionatham, ut non moreretur.

Hier. 38. Et dixit rex Sedecias ad Hieremiam: Sollicitus sum propter Iudaeos, qui transfugerunt ad Chaldaeos: ne forte tradar in manus eorum, & illudat mihi. Respondit autem Ieremias, Non te tradent. Audi, quae so, vocem Domini, & bene erit tibi, & viuet anima tua.

Mat. 14. Die natalis Herodis saltavit filia Herodiadis in medio: & placuit Herodi. Unde cum iuramento pollicitus est ei dare quodcumque postulasset ab eo. At illa praemonita a matre sua, Da mihi hinc, inquit, in disco caput Ioannis Baptistae. Et dedit ei.

Scholium Damas. *Satius erat Herodi in iurandum interpositum violare, quam Prophetam caput amputare.*

De pupillis, & pauperibus, ac viduis.

CAP. VII.

Exod. 22. **V**I D U A E & pupillo non nocebitis. Si laeseritis eos, vociferabuntur ad me, & ego audiam clamorem eorum, & indignabitur furor meus, percutiamque vos gladio, & erunt uxores vestrae viduae, & filij vestri pupilli.

Iob. 29. Os viduae benedicebat me. Pupillo, cui non erat adiutor, opem ferebam.

Deut. 24. Non accipies loco pignoris viduae vestimentum.

Psal. 67. Pater orphanorum, & iudex viduarum.

Pro. 23. Agrum pupillorum ne introeas: qui enim liberat eos, fortis est: & ipse iudicabit contra te causam illorum.

Pro eo quod iniuriam inferebant paruulis, interficientur.

Zach. 7. Viduam, & pupillum, & advenam, & pauperem nolite opprimere.

Ecli. 4. Esto pupillis misericors ut pater, & pro viro matri illorum: & eris tu filius

A filius Altissimi. Non despiciet preces pupilli: nec viduam, si effundat loquelam gemitus. Nonne lacrimae viduae ad maxillam descendunt, & exclamatio eius super deducentem eas? 35.

Viduas honora, quae verè viduae sunt. Si qua autem vidua filios aut nepotes habet, discat primum domum suam regere, & mutuum vicem reddere parètibus. Hoc enim acceptum est coram Deo. Quae autem verè vidua est, & defolata, speret in Deum, & instet obsecrationibus, & orationibus die ac nocte. Nam quae in delitiis est, viuens mortua est. Et hoc præcipe, ut irreprehensibiles sint. Adolescentiores viduas deuita. Cum enim luxuriat fuerint in Christo, nubere volunt: habentes damnationem, quia primam fidem irritam fecerunt. Simul autem & otiosae discunt circuire domos, non solum otiosae, sed & verbosae, & curiosae, loquentes quae non oportet. 1. Tim. 5.

Religio munda & immaculata apud Deum & Patrem, haec est: visitare viduas & pupillos in afflictione eorum. Iac. 1.

Turturem aiunt, à coniuge suo disunctam, non iam adduci posse, ut cum altero consuetudinem habeat: verum congressus venerei expertem manere: recordatione videlicet illius, quocum copulata fuerat, alterius societatem respuentem. Audiant foemina, quemadmodum etiam apud animantes, quae ratione carent, viduitatis honestas multarum nuptiarum turpitudini praefertur. Basil. Ho. 8. in Hexam.

C Quod terminos transgredi non oporteat.

CAP. VIII.

NON assumes & transferes terminos proximi tui, quos fixerunt priores in possessione tua. Maledictus, qui transfert terminos proximi sui, & dicet omnis populus, Amen. Deut. 19. 27.

Ne transgrediaris terminos antiquos quos posuerunt patres tui. Prou. 22.

D Sunt quaedam in piscibus, quae imitari conuenit: nempe quemadmodum singula ipsorum genera, aptam sibi regionem velut partitò consecuta, impetum inter se non faciunt, verum in suis quaeque finibus morantur. Nullus geometra domicilia apud eos distinxit. Non mœnibus circumscribuntur, non limitibus distinguuntur: verum sponte, quod cuique accommodatum est, assignatur. Etenim hic sinus haec piscium genera nutrit: ille alia. Et quae hic magno numero sunt, aliis locis reperiri nequeunt. Nullus mons acuto vertice prominens eos dirimit: nullus fluuius transitum interscindit: verum lex quaedam est natura, quae iuste & aequabiliter, prout cuique vtile est, sedem omnibus attribuit. At apud nos longè aliter se res habet: quippe qui antiquos terminos immouemus, quos posuerunt patres nostri. Agros protendimus, domum domui coniungimus, ut proximo aliquid eripiamus. Norunt cetera sedem sibi à natura assignatam: atque disinctum à regionibus habitabilibus mare occuparunt, quòdque insulis careat, nec ullam è regione continentem terram habeat. Hanc sedem Prou. 22. Esa. 5.

E naecta cetera, summis quibusque montibus, ut affirmant qui viderunt, magnitudine nequaquam inferiora, suis se finibus continent, nec aut insulis, aut maritimis regionibus, detrimenti quicquam afferunt. Ad hunc nimirum modum quodlibet genus, non secus atque vrbibus aut pagis quibusdam, aut antiquis patriis, in iis maris partibus, quae sibi destinatae sunt, commorantur.

De via bona & mala: & quòd obliquas res ac vias vitare oporteat, ac per rectam proficisci.

CAP. IX.

INIQVI aliquid est in manu tua, procul illud fac à te. Sic lucebit facies tua sicut aqua pura. Qui obliuiscuntur viam iustae, infirmati sunt inter homines. Iob. 11.